





3-3/4

18-10-1918

18-10-1918

18-10-1918

18-10-1918

18-10-1918

18-10-1918



N O S
D E I G R A T I A
J O A N N E S
W I L H E L M U S

COMES PALATINUS RHENI,
SACRI ROMANI IMPERII ARCHIDAPIFER ET ELECTOR, BAVARIÆ, JULIÆ, CLIVIÆ, ET MONTIUM DUX, PRINCEPS MOERSÆ, COMES VELDENTIÆ, SPONHELMII, MARCHIÆ, ET RAVENSBERGÆ, DOMINUS IN RAVENSTEIN, ETC. ETC.

*Notum facimus atque exploratum Universis
præsentibus paginas inspecturis, lecturis,
aut legi audituris.*

Posteaquam imperscrutabili Divinæ Providentiæ clementissime placuit, Palatinatum superiorem ante annos circiter octoginta per infelicem factorum eventum ab antiquo Electoratu Palatino pro maturanda Pace publica avulsum Nobis &

A Se-

Serenissimae Electorali Domui Nostrae Palatinae
 aequissimo Postliminii Jure restituere, adeoque
 utrumque Palatinatum una cum Imperialis Ar-
 chidapiferi Officio, ac omnibus aliis dignitatibus,
 Juribus, honoribus, Regalibus & praerogativis
 conjungere, eandemque Restitutionem simul &
 Conjunctionem Sacra Romano-Caesarea, & re-
 spectivè Regio-Bohemica Majestas ratihabuit, &
 solennem Nobis desuper Investituram vigesima
 tertia Junii, & tertia Augusti nuperi impertita
 fuit, Nosque deinde publicam ejusdem possessio-
 nem arripuimus; proinde aequissimam Divinae
 Lancis trutinam demississime agnoscentes memo-
 ratì superioris Palatinatù, & supradictae Impe-
 rialis Archidapiferatus dignitatis, caeterorumque
 praedictorum honorum, Jurium, Regalium, di-
 gnitatum & praerogativarum olim per sinistra fata
 factam avulsionem, nunc autem auspicata Nobis
 rerum conversione subsequutam à toto sacro Ro-
 mano Imperio solenni applausu firmatam conjun-
 ctionem simul ac Nostrorum atefatae Sacrae Cae-
 sareae Majestati, Sacro Romano Imperio, toti-
 que Reipublicae Germanicae continuantis adhuc
 justissimi Belli spatio praestitorum neque fructu
 suo haëtenus destitutorum singularium obsequio-
 rum

rum & suppetiarum large atque ultra vires fere subministratarum aliqualem usque dum compensationem respicimus : Hinc rebus ita fausto omine comparatis in animum nostrum induximus Ordinem Equestrem gloriosi Sacrosanctae Romanae Ecclesiae Mareschalli Sⁿⁱ HUBERTI quondam à foelicissimae recordationis Principe & Duce Juliae GERARDO ob insignem de Hostibus suis Anno millesimo quadringentesimo quadragesimo quarto Provincias suas hostiliter adortis in festo modo dicti Sⁿⁱ HUBERTI reportatam victoriam solenniter institutum, atque ab ejusdem Successoribus gloriosae memoriae Majoribus nostris per aliquod tempus continuatum, postmodum autem propter varias temporum revolutiones interruptum pristino splendori suo postliminio restituere, atque ad Dei Optimi Maximi gloriam & laudem, in venerationem Divae Virginis Matris suae MARIAE, & in memoriam saepediecti Sⁿⁱ HUBERTI, nec non in signum gratiosissimae propensionis quam illi, qui Nobis praecipue sunt in amoribus & praemium aliquod suae Nobis, Serenissimaeque Electorali Domui nostrae comprobatae fidei, atque Terris, & Provinciis nostris indefesso labo-

re impensorum Servitiorum jam dudum meruerunt, denique etiam in solamen pauperum restaurare, atque hoc modo supramemoratae restitutionis & conjunctionis utriusque Palatinatus, necnon recuperatae dignitatis avitae memoriam celebriorem, & solenniorem reddere statuimus & decrevimus, quemadmodum tenore Praesentium statuimus & decernimus, atque additis, qui subsequuntur, Articulis, legibusque, praedictum Ordinem Equestrem Sancti HUBERTI de novo stabilimus, restauramus & renovamus. itaque

PRIMO. Volumus, sancimus, atque decernimus, ut ex nunc, atque futuris retro temporibus hic Ordo Equestris S^{ti} HUBERTI praeter Magnum Ordinis Commendatorem solos numeret duodecim Equites e Statu Comitum & Baronum, quo in numero Nos, & Successores nostri utpote Capita, Restauratores & Fundatores hujus Ordinis non computandi erimus, neque etiam Principes quibus hic Ordo Equestris modo collatus est, & quibus eundem imposterum amplecti placuerit, quorumque numerus indefinitus & incircumscriptus erit, eodem continebuntur. Omnem verò in vacaturas aliquando Equestres Dignitates

Suc-

Succedendi Collationem (quam vulgo Expectantiam vocant) sub quocunque etiam titulo petatur, Decretorie hiſce defendimus atque denegamus.

SECUNDO. Nullus huic Ordini Equeſtri e Comitibus & Baronibus conſiſtenti idoneus erit, niſi minimum a quatuor Avis Paternae & Maternae conjunctim lineae Nobilitatem Equeſtris Proſapiae ſuae docere, ac de eadem luculenta teſtimonia producere valeat, ſitque a vitae & morum intacta integritate commendatus, & in obſequiis Status aut Militiae aliave ratione de Nobis, Sereniſſima Domo noſtra Eleſtorali, & Terris atque Provinciis Noſtris optime meritus, adeoque hac Equeſtri Praerogativa prae caeteris dignus.

TERTIO. Nemo in hunc Ordinem admittatur, qui prius in alium adſcriptus fuerit, niſi eodem ſe abdicaverit: Nobis autem & Succeſſoribus Noſtris aliſque Principibus quibus huic Ordini nomina ſua inſcribere placuerit, praeter hunc plures paucioresve pro arbitratu Ordines aut jam ſuſceptos, aut impoſterum ſuſcipiendos gerendi facultatem reſervamus.

QUARTO. In hujus Ordinis Sⁿⁱ HUBERTI re-
B ſtaura-

ftauratione hac vice citra praejudicium fingulorum cujuscunque Status, Nobilitatis, aetatis, facultatis, profapiae, Membra ac Equites è Principibus, Comitibus & Baronibus in Tabula defuper confeéta nominatos Clementiffime adlegimus & inauguramus.

QUINTO. Omnes quos in hunc Ordinem cooptari contigerit, incorruptam erga Nos, Sere-
niffimam Domum Noſtram Electoralem, No-
ſtrosque in Electoratu Succeſſores fidem, volun-
tatemque propenſiſſimam teſtentur, ac perpetuo
conſervent.

SEXTO. Omnes paſſim ſpectata vitae morum-
que probitate exiſtimationem, dignitatemque
ſuam tueri ac ſuſtinere adnitantur.

SEPTIMO. Pauperibus ſe faciles ac beneficos ex-
hibeant, quibus proinde ex Commendis ſibi af-
ſignandis, quarum infra prolixior erit mentio,
decimam partem omnium percipiendorum fruc-
tuum in eorundem ac Noſocomiorum ſublevatio-
nem, pro eo ac deinceps Clementiſſime decerne-
mus, quotannis pendere teneantur.

OCTAVO. Omnes quotquot in Aula noſtra
Electo-

Electoralibus degunt, sequentibus per Anni Decursum Festivitatibus in adjuncta Tabella expressis, in Habitu Ordinis, id est, in veste Imperiali vulgo Imperial Mantel leide comparebunt; Nec non diebus Salvatoris Nostri Natalitiis, Resurrectioni, Missioni S^{ci} Spiritus, omnibus Sanctis, uti & Conceptioni, Nativitati, Annunciationi, & in Coelos assumptioni B. M. Virginis dicatis (quantum quidem Romano-Catholicos concernit) Sacra Exomologesi se expiaturi, Sacramque Synaxin sumpturi praesumuntur, atque memoratis hisce solennibus diebus in praecipuo Sacelli nostri aulici Altari Imago Divi HUBERTI Ordinis Patroni exponetur. Ad conservandam Ordinis hujus ejusque Militum sive Equitum memoriam, Nos in tempore nostro dabimus, & post fata nostra Successores nostri dabunt cuique illorum Insigne aureum ad intensionem Symboli nostri fabricatum, scilicet frustatim hoc modo compilatum, ut sint frustra ex auro confecta, & coloribus postea designandis adumbrata, & affabre concatenata quadraginta duo, ex quibus viginti & unum paulo latiora quam longa exhibebunt Cervum parte posteriori minus apparentem, sed anteriori plene

prostantem cum pedibus super Colliculo paulum elevato, inter Cornua super caput Crucifixum representantem, retro quem appareat aliqua Summitas Monticuli, proxime ad pectus Cervi figura parvi Canis, deinde Imago S^{ci} HUBERTI genu flexi, & ad latus ejus dextrum famulus erectus, mediam Equi figuram froeno tenus manu prensans, inter quodlibet horum frustorum majorum interferrentur successive alia viginti duo frustra paulo longiora quam lata, quorum undecim colore rubeo, & decem colore viridi adumbrata erunt, experimentia Ductum sinuosum sive Ciffram



in *Drawn* bast/ Literis Gothicis conscriptam id est, IN FIDELITATE CONSTANS. In extremitate hujus Symboli pendeat parte anteriori Crux aurea Cervum cum Crucifixo, cane, imagine S^{ci} HUBERTI, famulo & Equo, veluti supra expressum est, & colore albo atque aureo variegata, posteriore parte vero Pomum Imperiale cum cruce in forma globi terrestris, cum Symbolo: IN MEMORIAM RECUPERATAE DIGNITATIS AVITAE A^o 1708. exhibens, Nos etiam & Successores nostri hujus Ordinis Supremi,

mi, & quilibet Equitum tenebuntur supradictum Insigne portare Diebus Festis in supradicta adjuncta Tabella designatis; Caeterum praeter Dies solennes supra expressos sufficiet reliquo anni tempore quotidie portare parvum Ordinis Symbolum in forma sequente, veluti Nos illud confici jussimus, in medio Stellae argenteae colore aureo intertextae cum ductu sinuoso sive Ciffra Ordinis in *Craw bast*/ Literis Gothicis expressa in vestibus & Palliis, ac quocunque alio Corporis amictu ad sinistrum pectoris latus acu pingendae; Deinde aliam portabunt Symboli formam sive Crucem ex auro elaboratam, Cervum cum Crucifixo, Canem, imaginem S^t HUBERTI, famulum cum Equo, modo supradicto, & Pomum Imperiale altera parte repraesentantem, & coloribus albo, aureo, atque viridi variegatam, pendentem ad dexteram partem in Linteamine rubro quatuor digitorum transversalem latitudinem adaequante, circa sinubiam lateralem colore viridi ad imitationem ejus quod & Nos confici jussimus, & cuilibet Equitum simile exhibebimus. Insuper majus Symbolum Ordinis nullo adamante, aliove lapillo pretioso aut ornamento aurum superante volumus decorari, mi-

nus tamen Insigne quotidianum poterit aliquot proportionatis adamantibus, rubinis, aut smaragdis aliisque id genus lapillis exornari.

NONO. Quod si Nos aut Successores Nostri utpote hujus Ordinis Capita & Fundatores Coetum eorundem nostrorum Ordinis Equitum eo loco, ubi id temporis Nos residere, vel cum aula nostra morari contigerit, compellare necessarium esse duxerimus, iidem minimum semel quolibet anno coram adesse, vel absentiae suae causas afferre teneantur idoneas, quarum cognitionem Nobis, Successoribusque Nostris reservatam volumus, atque hujusmodi causis deficientibus, quarta parte reddituum è Commendis provenientium, & pauperibus applicandorum privabuntur, quemadmodum etiam illi Ordinis Equites qui Insigne minus quotidie gestare neglexerint, toties quoties super hac omissione deprehenso fuerint, in viginti Imperialium poenam pauperibus erogandam incident.

DECIMO. Quod si quem huic Ordini adscriptum è vivis migrare contigerit, consueta pro eodem, si Romano-Catholicus fuerit, exequiarum solemnina peragentur; Haeredes autem cujuscunque

que Torquem majorem sive Catenam unà cum Ordinis Cruce Torqui annexa intra tres primos ab illius obitu menses certo Thesaurario Ordinis remittere teneantur, neque ab ejusmodi obligatione nisi accepto factae traditionis Chirographo eximantur.

UNDECIMO. Si quis vero memoratum Ordinis Insigne in Causa Belli aliove honorifico eventu, aut suscepta laudabili quapiam expeditione amiserit, Nos & Successores Nostri tanquam Supremi Ordinis hujus Magistri eidem aliud nostris impensis fieri & tradi curabimus. Quicumque autem Equitum culpa sua aut negligentia Ordinis Insigne amiserit, fregeritve; intra quatuor proximos menses aliud proprio aere sibi comparare, aut fractum eo loci refici curare tenebitur, ubi amissum aut dissolutum antea fuit fabricatum.

DUODECIMO. Neque istiusmodi Ordinis Tesseram aut Crucem in pignus vel Arrham collocare, multo etiam minus venundare, vel alienare quisquam ausit citra Ordinis suscepti jacturam.

DECIMOTERTIO. Quod si in locum defuncti cujuspiam Equitis in hunc Ordinem cooptati quen-

quam alium surrogare Nobis Clementissime libuerit, supersticibus caeteris id ipsum abunde notum compertumque faciemus.

DECIMOQUARTO. Ad haec recens in hunc Ordinem adlectus Eques memorata Insignia minimum praesentibus octo hujusce Ordinis Equitibus more usitato coram accipiat, qua in re nihilominus gratum ratumque habemus, ut Principibus eadem per alium Ordinis Equitem, facta eidem supplendi potestate (si quo casu ipsimet adesse nequiverint) fuscipere fas sit.

DECIMOQUINTO. Ut porro hic à Nobis instauratus ac confirmatus Ordo Sⁱ. HUBERTI eo melius subsistere, ac inserti Eidem Equites annexos illis sumptus tanto convenientius sustinere, pauperes etiam eo melius inde aliquid percipere subsidii possint, Deique Ter Optimi Maximi honor promoveri valeat, Decernimus, Sancimus, volumusque Nostro ac Successorum nostrorum nomine, ut omnes quotquot in restituto Nobis Superiore Palatinatu numerantur Archifatraparum, Judicum Provincialium, & Praesidum Tractus seu Archifatrapiae in duodecim Commendas cedant & dividantur; Quae quidem Satrapiae per designatos

gnatos à Nobis Praefides, Archifatrapas, & Iudices Provinciales uti haëtenus administrabuntur, ita tamen, ut quivis Praefidum, Archifatraparum, & Iudicum Provincialium Commendatori in Satrapia seu Commenda ipsi collata primas cedere teneatur; Commendatoribus autem nunc & in perpetuum e Comitatu Nostro Chambienfi (cujus proventus soli huic Ordini integre ac religiofe consecrati funto) certa portio annua exfolvetur, prout confecta defuper fpecialis designatio plenius docebit; Erunt autem Satrapiae seu Commendae nominatim fequentes. Neoburgenfis, Efchenbachenfis, Averbachenfis, Neomarkenfis, Waldeckenfis, Nabburgenfis, Chambienfis, Muracenfis, Wetterfeldenfis, Treswicenfis, Waldomonacenfis & Pfaffenhovienfis.

DECIMOSEXTO. Adhaec clementiffime decernimus, ut hujusmodi Commendae juxta infra pofitam Sanctionem inter Commendatores fecundum cujusvis admiſſionem diftribuantur, unusque alteri in vacaturas temporis lapſu Commendas ſuccedat.

DECIMOSEPTIMO. Clementiffime ſancimus, ſta-

D

Statu

Statu Comitum ac Baronum Magni Commendatoris ac Propriincipis appellatione pridem usitatum Propriincipis, Germanico vero idiomate *Statthalters* munus in memorato Palatinatu superiore eo pacto possidere, percipere ac exercere valeat, ut eidem fas sit hanc dignitatem coram administrare, aut a Nobis denominato Vice-locum tenente vulgo Vice *Statthalteren* administrandam committere, quo iterum postremo casu consuetum stipendium illi nihilominus exsolvetur.

DECIMOCTAVO. Quemadmodum vero ante hac his Archifatrapiis Judices Provinciales, Praesides, & Satrapae praepositi fuere, Nosque modo ad quippiam immutandum non magnopere propendamus; attamen Clementissime volumus, ut Equitibus hujus Ordinis ac Commendatoribus in sumptus Ordini annexos faciendos praecipue vero in praestationem decimae partis pauperibus sublevandis destinatae ex aliis Superioris Palatinatus redditibus, donec assignatae illis Commendae vacaverint, articulo 15 memorata portio persolvatur.

DECIMONONO. Cum praeterea hac Commendae seu officia Ordinem duntaxat Comitum & Baronum

num spectent, (siquidem Principes his gravare minime nobis propositum sit) Nosque Principibus etiam qui hunc Ordinem Sⁱ. HUBERTI assument, compendii ac emolumenti quippiam afferre meditemur, idcirco singulis trium seniorum (dummodo hoc ipsi appetant acceptentque) Legionem unam Copiarum nostrarum eo pacto conferemus, ut si eae iterato vacaverint, reliqui aetatis ordine succedant, iisque arbitrium & liberum erit Legiones illas per se met ipsos moderari, aut secus, quo posteriore iterum casu illis nihilominus Chiliarchae, seu Colonelli, uti vocant, conveniens salarium, sive stipendium dependetur, adjecta obligatione decimum quemque denarium memorati stipendii in pauperum subsidium erogandi. Et quidquid ita tam ab his, quam ab aliis Equitibus Ordinis vi hujus Constitutionis in praefatum finem elargiendum veniet, id Thesaurario consignandum erit, a quo desuper quotannis coram Capitulo exacta ratio exigetur.

VIGESIMO. Et quia fortassis nulla jam legio vacatura est, nihilominus modo jam dicto eousque donec terni Principes Seniores Legionibus proxime vacaturis praeficiantur, iisdem sub memorata obli-

D 2 gatione

gatione confuetum Tribunorum seu Colonellorum Salarium è proventibus Superioris Palatinatus numerabitur.

VIGESIMOPRIMO. Ne porro eminentioris gradus aut dignitatis ratio, (quam praecedentiam vocant) in hoc Ordine S^{ti} HUBERTI aliquid simultatis aut controversiae pariat, idcirco sancimus, decernimus volumusque, ut pro eo, quod Comitum ac Baronum seriem concernit (quandoquidem Principes per se cacteros dignitate antecellunt) haec in Capitulis congregatis, aut in creatione seu renunciatione Equitum hujus Ordinis, aut alias cum una omnes adesse oportebit, juxta aetatem à tempore admissionis computandam prae omnibus instituat, ac dirigatur; ita tamen, ut quantum Ministeria Nostra Aurica, & Consiliarios intimos Electoralis Palatinatus concernit, gradus à Nobis singulis Officialibus designatus in eorum functionibus, & extra casus supra memoratos irrefragabiliter teneatur ac observetur.

VIGESIMOSECUNDO. Et quamvis omnino confidamus futurum, ut cooptati in hunc Ordinem Equites eam vivendi rationem teneant, eamque morum integritatem passim testentur, ut ab omni graviore

viore flagitio sint alienissimi, ne in Nos & hunc nostrum Sⁱ. HUBERTI Ordinem labes aliqua aut contemptus derivetur, nihilominus vi & tenore praesentium definimus & constituimus, ut si quo casu (quod equidem futurum neutiquam opinamur, quodque Superi avertant) quispiam admittis enormibus delictis se hoc Ordine indignum reddidisse insimularetur, priusquam eodem excidisse declararetur, ipse in Generali Ordinis Capitulo coram audiatur, ac re per majora, (uti vocant) à Capitulo decisa, aut in Ordine porro perseveret, aut ab eodem dimittatur.

VIGESIMOTERTIO. In Capitulis ac Creationibus subinde habendis deliberandi argumentum quod Nobis tanquam Supremo Ordinis Magistro conveniens ac idoneum videbitur, ab Ordinis Cancellario in medium proponetur, ac deinceps in rebus cujuscunque suffragationi commissis, ab eodem calculi seu vota colligentur, qui & ipse suum ordine etiam suo adjiciet.

Singulis autem annis ipso S^{to} Michaeli Archangelo sacrato die, in memoriam restituti à Nobis & renovati hoc die Sⁱ. HUBERTI Ordinis Generale Ordinis Concilium celebrabitur, quorum plura,
E
uti

uti res & necessitas exigent , convocare , Nobis utpote restauratori & supremo Ordinis Magistro liberum atque reservatum esse volumus. Porro à Nobis , aut ab eo , qui vices nostras geret , juxta suffragiorum pluralitatem decidetur , atque decisio illa ab Ordinis Tabellario sive Secretario Protocollo inferetur , deinceps , ut executioni detur , urgenda.

VIGESIMOQUARTO. Quisquis in hunc Ordinem adscribetur , Thesaurario Ordinis , prout constitutum , in pauperum sustentationem centum Ducatos aureos erga Thesaurarii Chyrogaphum pendet.

VIGESIMOQUINTO. Et quandoquidem Clementissime volumus , ut Ordinis Cancellarius nunquam non e numero sit Equitum Ordinis & Commendatorum ejusdem ; proinde hic in omnibus functionibus ad se spectantibus juxta aetatem receptionis suae congruum gradum locumque sibi vendicabit , praecipue Officiales Ordinis , nimirum Vice Cancellarium , Secretarium Thesaurarium , Ordinis Fecialem (quem vulgo Heroldum vocant) atque Custodem ornamentorum Ordinis , sive alias Guarda Robba dictum , juxta praescriptam iisdem

Instru-

Instructionem suae curae commissos & obsequentes habebit.

VIGESIMOSEXTO. Quod si deinceps Pro-Cancellarius, Secretarius, Thesaurarius, Fecialis, vel Guardarobba Officio decedât, illis alios idoneos per majora in legitime compellato Ordinis Coetu, lata suffragia, surrogari volumus & sancimus: Nominatio autem futuri pro tempore Magni Commendatoris & Ordinis Cancellarii ex gremio ejusdem Ordinis Equitum Nobis ac Successoribus nostris utpote Ordinis hujus Supremis Magistris reservata esto.

VIGESIMOSEPTIMO. Ab Ordinis Cancellario ad vacantia munia idonei Capitulo proponantur, eorum habilitas, fama & existimatio in dicta Congregatione Ordinis seu Capitulo expendatur ac discutiatur.

VIGESIMO OCTAVO. Ut vero praefati quinque Ordinis Officiales ob functiones suas aliquo emolumento gaudeant, singulis annum salarium juxta tabulam desuper confectam assignari jussimus.

VIGESIMO NONO. Clementissime sancimus, ut

E 2 per-

perinde à nostris Dicafteriis ac Cancellariarum nostrarum judicialibus praetoriis jam ante memoratis ac imposterum futuris Ordinis Equitibus Commendatoribus in omnibus literarum, quas ad eos dari contigerit, inscriptionibus, uti & alias ejusmodi titulus adjuncta collatae cuilibet Commendae honorifica mentione tribuatur: Et quemadmodum haëtenus à Nobis atque à Regimine nostro pro locis ac temporibus necessaria mandata, Rescripta, & Decreta ad Praefides ac Satrapias destinata fuere; ita deinceps hujusmodi litterae ad Commendas dirigendae erunt; Volumus insuper & decernimus, ut nullus Equitum & Commendatorum Equestris hujus nostri Ordinis S^{ci} HUBERTI in causis Equitum Ordinis personas directe & immediate concernentibus neutiquam coram aliquo nostrorum Electoralium aut Ducalium Tribunali, sed coram Nobis & hoc nostro Ordine, in reliquis autem civilibus, realibus aut mixtis Actionibus coram Judice competente conveniatur; Quemadmodum etiam Ordinis Equites sub signis nostris militantes in causis quibuscunque militiam concernentibus coram commissione nostra Bellica aut Judice militari respondere tenebuntur. Quod si
autem,

autem, quod quidem superi avertant, quemquam Capituli reum damnari, aut in illum Sententiam famae atque honoris gravissimam laesionem in se continentem pronunciari contingeret, priusquam sententia executioni mandetur, ab Ordinis congregato Capitulo Ordinis Insignibus, praerogativis & dignitatibus solenniter privandus, atque ex Equitum Albo delendus erit.

TRIGESIMO. Ad extremum Nobis plane ac diserte reservatum volumus, ut si quo casu brevi longove abhinc temporis lapsu hanc, quam Nobis Clementissime placuit ratam probatamque habere Ordinis Constitutionem, quovis modo immutare, corrigere, emendare, vel imminuere aut dilatare, necessarium esse duxerimus, Nobis integrum sit, hoc ipsum per Cancellarium Ordinis in Capitulo ejusdem legitime congregato proponere, omnibusque rei momentis serio ac mature, accedente congrua informatione, perpensis, quod plerique suo suffragio faciendum, omittendumve censuerint, executioni dare, aut missum facere.

Demum ad majus robur, majoremque nostrae restorationis & novae Constitutionis memorati

F Ordini

Ordinis Equitum Sⁱ HUBERTI firmitatem præter intimæ Status Cancellariæ Nostræ Electoralis Sigilli appressionem præsentēs tabulas manu nostra subscripsimus. Dusseldorpii vigesima nona Septembris 1708.

JOHANNES WILHELMUS ELECTOR.



CATALOGUS

Dierum festivorum, quibus Equites Ordinis in Veste Ordinis, id est, Imperiali comparere tenentur.

Dies. JANUARIUS.

1. - Festo circumcisionis Salvatoris Nostri.

FEBRUARIUS.

2. - Festo purificationis Beatissimae Virginis Mariae.

MARTIUS.

25. - Festo Annuntiationis B. V. Mariae.

MAJUS.

1. - Festo Sanctorum Apostolorum Philippi & Jacobi.

JUNIUS.

29. - Festo Sanctorum Apostolorum Petri & Pauli.

JULIUS.

25. - Festo Sancti Apostoli Jacobi.

AUGUSTUS.

15. - Festo assumptionis B. V. Mariae.

SEPTEMBER.

8. - Festo Nativitatis B. V. Mariae.
29. - Festo Sancti Michaelis Archangeli.

F 2

OCTO-

OCTOBER.

28. - Festo Sanctorum Apostolorum Simonis & Judae.

NOVEMBER.

1. - Festo omnium Sanctorum in venerationem
Divi Huberti.
3. - Festo Sancti Huberti Ordinis Patroni.
30. - Festo Sancti Apostoli Andreae.

DECEMBER.

8. - Festo Conceptionis B. V. Mariae.
25. - Festo Nativitatis Christi.
26. - Festo Sancti Proto-Martyris Stephani.
Item Diebus festivis Paschatis Dominica, & Lunae.
Festo ascensionis Christi.
Diebus festivis Pentecostes Dominica &
Lunae.
Festo Corporis Christi.
Die funerali Equitis Ordinis.
Diebus Capitularibus.

NORMA ET REGULA

in Creatione Equitum Divi HUBERTI observanda.

PRIMO.

Posteaquam Serenitati Suae Electorali utpote Supremo Ordinis Magistro Cancellarius Ordinis de commissio sibi munere fedulo ac integre administrando juramenti Religione cavit, atque eidem vicissim reliqui Ordinis Officiales: Vice-Cancellarius, Secretarius, Thesaurarius, Fecialis, & ornamentorum Custos vulgo *Guarda Robba* fidem jurato praestiterunt.

SECUNDO.

Jussu Cancellarii dies, locus, & hora per fecialem dicitur in Equestrem hunc Ordinem adoptandis.

TERTIO.

Simulque ab Ordinis *Guarda Robba* ex mandato Cancellarii Stella argentea cuius Equitum traditur ad sinistrum pectoris latus vesti adfigenda.

QUARTO.

Quando dies adest huic solennitati peragenda destinatus, Serenissimus Elector velut Ordinis Supremus Magister majori Ordinis insigni atque Stella argentea circumdatus praeunte consueto Aulicorum Comitatu, atque Aulae Supremo Mareschallo, aut qui ejus vices gerit gladium evaginatum Serenitati Suae Electorali praefere

G

ferente,

ferente, ad Conclave sese confert, in quo Thronus duorum triumve graduum erectus, ad cuius sinistrum latus subsellium aulaeo instratum, ad dextrum vero tabula, cui Crucifixi imago cum duabus candelis accensis, & S. Evangelii liber pulvinari rubro holoserico impositus, itemque ad idem latus alia tabula, in qua tot Ordinis majora insignia, quot Equites creandi erunt, singula singulis pulvinaribus rubro-holosericis substrata jacent; in quo Comitatu renuntiati Ordinis Equites bini & bini Ordine quique suo ante supremum Aulae Marschallum, aut ejus munere fungentem ad destinatum functioni Conclave Serenitatem Suam Electoralem praecedunt.

QUINTO.

Simul ac Serenitas Sua Electoralis Thronum conscendit, Electi Ordinis Equites ante subsellium ad sinistrum Serenissimi Electoris latus composito ordine substiterunt, atque Serenissimus Elector utpote Ordinis supremus Magister Caput textit;

SEXTO.

Ordinis Cancellarius in medium ex Ordine, quem inter Equites tenet, ad dextrum Serenissimi Electoris latus Vice-Cancellario, & reliquis Ordinis ministris subsequenter procedit, expositisque brevi & ponderosa oratione causis quae Serenitatem Suam Electoralem ad Ordinis hujus re-
staura-

staurationem commoverunt , Equites a Serenitate Sua Electorali Clementissime designatos Ordine quemque suo denominat; quo peracto

SEPTIMO.

Ordinis Vice-Cancellario constitutiones Ordinis distincta & alta voce praelegendas tradit, atque ad suum sese locum recipit.

OCTAVO.

Praelectis statutis, Vice-Cancellarius Neo-Equites interrogat, num illorum tenorem recte perceperint, illisque (quod ita) affirmantibus, admonet: Quando a Serenissimo Electore tanquam Ordinis Supremo Magistro, Ordinis hujus Equites Clementissime sint pronuntiati, illud nunc agi, ut solenne juramentum S. Evangelii actu praestetur; quare

NONO.

Singuli Equites ad tabulam, cui S. Evangelii liber impositus est, accedunt, atque manu dextra Evangelium genu flexi tamdiu attingunt, donec Vice-Cancellarius juramentum praelegit, in hoc summarie consistens:

Deo Omnipotenti, & Sancto ejus Evangelio fidem praestabitis, vos, quantum in vobis erit, praelectas Ordinis

nis Constitutiones, & regulas integre ac religiose observaturos, honorem ac com-
moda Serenitatis suae Electoralis tan-
quam Supremi Ordinis Magistri, nec non
dignitatem & incrementum hujus Ordi-
nis Divi HUBERTI pro viribus promo-
tuos, egenis large ac benefice adfutu-
ros; quod fideliter ac Sancte appromit-
titis, ita Deus vos adjuvet & Sanctum
Ejus Evangelium.

J U R A M E N T U M.

Quod mihi modo praelectum est, &
cujus tenorem probe intellexi, il-
lud in omnibus, & singulis me fideliter
observaturum spondeo, & appromitto,
ita Deus me adjuvet, & Sanctum Ejus
Evangelium.

Quod si vero Princeps quidam in Equestrem
hunc Ordinem assumatur, a juramenti hujus prae-
statione liber quidem erit; attamen non detrecta-
bit sub fide, & verbo principali sequenti sponsio-
ne illud supplere:

Vestra

Vestra Serenitas sub fide, honore, & verbo principali stipulabitur, & spondebit, se Nobiscum, utpote Equestris Ordinis Sancti HUBERTI Supremo Magistro veram, constantem, atque infucatam amicitiam, & concordiam esse culturam, & necessitate exigente pro viribus, quantum Serenissimae Domus vestrae ratio permittet, Nobis auxilio futuram, dignitatem, & incrementum hujus Ordinis, quantum poterit, promoturam, nec non erga pauperes se praestituram misericordem atque beneficam.

Ponatur manus supra Evangelium.

Ipsa Appromissio.

Praelectam mihi, & probe intellectam sponsonem me sincere servaturum sub fide principalis mei verbi, & honoris polliceor, & appromitto.

Si vero Principem absentem per delegatum Ordinem sumere contingat, delegatus supra memoratam appromissionem sequenti modo praestabit :

H

Nomi-

Nomine Serenissimi Principis N. N. sub Serenitatis suae honore, fide, & verbo principali pollicebitur, & appromittet, Serenitatem suam Nobiscum, utpote Equestris Ordinis S. HUBERTI Supremo Magistro veram, constantem, atque infucatam amicitiam, & concordiam esse culturam, & necessitate exigente pro viribus, quantum Serenissimae suae Domus ratio permittet, Nobis auxilio futuram, dignitatem, & incrementum hujus Equestris Ordinis, quantum Serenitas sua poterit, promoturam, nec non erga pauperes se praestituram misericordem, & beneficam.

Ponatur manus supra Evangelium
ipsa appromissio:

Praelectam mihi, et probe intellectam Sponsionem me Nomine Serenissimi Principis N. N. sub Serenitatis suae honore, fide, et verbo Principali sincere servaturum polliceor, et appromitto.

DECIMO.

Hoc peracto singuli Ordinis Equites ad priorem locum se conferunt, atque a Vice-Cancellario Equi-

Equitum Ordine primus compellatur, utque ante Thronum in secundo tertiove gradu genu flectat, admonetur.

UNDECIMO.

Deinde Serenitati Suae Electorali a supremo Aulae Camerario Serenissimi Electoris dextrum latus nonnihil retro fedile claudente, majus Ordinis insigne in pulvinari rubro holoserico a Thesaurario ipsi porrecto praesentatur.

DUODECIMO.

Quod Neo-creati Equitis collo hac adlocutione Serenissimus Elector circumdat:

Accipe Signum Equestris Ordinis nostri Sancti Huberti, & Clementissimae Propensionis nostrae, & semper memor sis Fidelitatis Nobis tanquam supremo Ordinis Capiti debitae, nec non commiserationis erga pauperes in vim hujus Ordinis extraordinarie recommendatae.

Praesenti Principi tali adlocutione Ordinis majus insigne circumdatur:

Accipe Serenissime Princeps Signum Equestris Ordinis nostri Sancti Hu-
H 2
berti

berti & constantis Affectionis nostrae, ac semper sis memor Amicitiae Nobis promissae, nec non commiserationis erga Pauperes in vim hujus Ordinis extraordinariè recommendatae.

Delegato Principis modo sequenti:

Accipe Nomine Serenissimi Principalis tui Signum Equestris Ordinis nostri Sancti Huberti & constantis Affectionis nostrae, ac semper sis memor Amicitiae Nobis promissae, nec non commiserationis erga Pauperes in vim hujus Ordinis extraordinariè recommendatae.

Adhaec Serenitati suae Electorali a Supremo Aulae Mareschallo, aut ejus vices gerente, gladius, Serenitati suae Electorali praelatus, & quo Serenissimi Electoris latus finistrum nonnihil retro sedile claudit, porrigitur, quo utrumque Neo-creati Equitis humerum ferit, dicitque:

Hoc Gladio Ego te creo & facio Equitem militaris Ordinis nostri Sancti Huberti, in Honorem Sanctissimae & Individuae TRINITATIS, Beatissimae Virginis

ginis MARIE, & Sanctorum Huberti & Georgii, ut sis mihi tanquam hujus Equestris Ordinis supremo Capiti, & Successoribus meis fidelis, atque eundem juxta omnes vires tuas protegas & conserves.

PRO PRINCIPIBUS:

Hoc Gladio Ego creo & facio Serenitatem tuam Equitem Ordinis nostri Sancti Huberti, ut sit mihi tanquam hujus Ordinis supremo Capiti, & Successoribus meis verus Amicus, & eundem juxta omnes vires suas protegat & conservet.

PRO ILLORUM DELEGATIS:

Hoc Gladio Ego creo & facio Serenissimum Principalem tuum Equitem Ordinis nostri Equestris Sancti Huberti, ut sit mihi tanquam hujus Ordinis supremo Capiti et Successoribus meis verus Amicus, et eundem juxta omnes vires suas protegat, et conservet.

Expleta hac functione gladius Supremo Aulæ Marefcallo, aut ejus vices gerenti redditur, atque Serenissimus Elector Neo-Equitem amplectitur, qui Serenitatis suae Electoralis manum osculatus ad

I suum

suum se locum recipit , quem reliqui juxta Ordinem sequuntur, acceptoque Ordinis insigni ante se insignitos amplectuntur , atque in suo sese loco collocant, quo peracto, atque singulis Equitibus Ordine decoratis,

DECIMO TERTIO.

Serenitati Suae Electorali Ordinis Vice-Cancellarius singulorum Equitum Nomine, succincta oratione humillimas gratias agit, ac demum

DECIMO QUARTO.

Serenitatem Suam Electoralem priorc Ordine ad facellum Aulicum Equites comitantur , in quo destinatas ipsis sedes Oratorias occupant , atque Serenissimo Electore tanquam Ordinis Supremo Magistro ad offertorium se praeparante , signo a Ceremoniario dato ad dextrum Evangelii latus se sistunt, ac Serenissimo Electore ab offertorio in Oratorium regresso , Equites vicissim Ordine quisque suo ad offertorium accedunt, & deinde ad suas se sedes conferunt. Re Divina peracta Serenitatem suam Electoralem e facello , Ordine praedicto comitantur, atque Serenissimo Electore in interius Conclave ad deponendum Majus Ordinis insigne, & minus sumendum sese recipiente , Equites ad prius Conclave se conferunt, ubi minus insigne sumunt, majus autem deponunt cujusvis custodiae servandum. Dusseldorpii 29 Septembr. 1708.

F I N I S.

W5639822

